

PHILONIS
I V D A E I, S C R I -
P T O R I S E L O Q V E N -
T I S S I M I,

Ac Philosophi summi, lucubrationes omnes
quotquot haberi potuerunt, nunc pri-
mum Latinæ ex Græcis factæ,

*Per Sigismundum Gelenium. Addito in fine rerum
memorandarum Indice fecundissimo.*



L V G D V N I,
A P V D A N T O N I V M
V I N C E N T I V M.

1555.

Sum Montij Senati.

Generoso adolescēti Do-

MINO IOANNI A BALMA

PERANO RE. PROTONOTARIO

Sigismundus Gelenius S.



Sciō equidem adolescens genere, ex quo post illos
gigāteos conatus diuise sunt lingue *μυσηπυρ ανθ, ωπυρ,*
earum cuiq; suam datam gratiam, vt temper vel bar-
barum hominē melius intelligamus, liberiūq; audia-
mus propria lingua loquentē quā per interpretem.
Vertitolum Timæum Platonis eloquētis philolophi librū M Tul-
lius orator eloquentissimus: sed etiam si hoc opus extaret, nemo qui
Græcē scit non mallet illū in sua lingua legere. Fuit tamen superio-
rum seculorū, post translātū euersumq; à barbaris imperiū, & vasta-
tam literarum altricē Italiani, tanta infelicitas, vt ne historix quidē
Romanæ maneret series, fœdē interrupta, mutilis & magna sui par-
te laceris relictis præcipuis eius authoribus. ergo huic & cæteris di-
sciplinis succurrēdum erat propter eos qui latinē tantū sciunt, versis
sat multis per nostri seculi eruditos voluminibus. mihi sacris profa-
nisq; historijs manus admoliri lubuit, quantū potui succisuis & in-
terdum furtiuis horis in hoc meo vitæ genere, quo saxum Sisyphiū,
vel potius Plautinam molam, iam per decem ferē lustra voluo reuol-
uōq;, lectione tumultuaria versans Græcos Latinōsq; codices. Per-
gemus igitur quando & nos manum ferulæ subduximus, inuenturi
aliquos qui hæc non fastidiāt, vt sunt varia mortaliū iudicia quomo-
do autem ætatem laturi sint hi nostri partus, viderit posteritas, mihi
interim patroni eorum quærēdi sunt, ne fortē sint tam *αισυρθηδαισι,*
vt parētem suam relinquāt superstitem. In eorum numero tu adole-
scens genere iam dudū designatus es animo, vt nihil hæcenus præ-
ter occasionē defuerit. non possunt enim non exoculari tuum ele-
gantissimum ingenium, quod sub idoneo formatore domino Gil-
berto Cognato viro doctissimo gnauiter excolis, nec cōtentus imi-
tari viros literatos, etiam epistolijs amātissimis ad mutuam inuitas
beneuolentiā: quæ omnia mihi optimæ frugis maturæ spem faciunt.
Debeo igitur & ipse in hoc virtutis stadio anhelanti alpergere fri-
gidam: & inuenies hic exempla egregia hominū, quos Christus ipse
iam tunc ante carnē assumptam colloquio dignatus est, vt Abraha-
mi Iacobi Mosisq; & cum primis Iosephi in omni ætate omniq; for-
tuna sui similis. quamuis non desiat tibi exempla domestica, quæ so-

PHILONIS IV.

DABI, DE EA QVAM

MOSES DESCRIBIT MVNDI

CREATIONE LIBER,

Sigismundo Gelenio

interprete.



AETERI legistatores partim nullo ornatu adhibito nudum ius praescripserunt: partim ad exaggerandam apud vulgus rem, fabulosis figmentis veritatem pratexerunt. Moses vero vtraque ratione posthabita, altera vt rudi ac ignaua parumq; decora philosopho: altera vt mendace plenaque praestigijs, perpulchrum ac honestissimum legum suarum fecit initium: neque statim quae facienda, quaeue non, admonens: neq; quonia formandae prius erant mentes accepturorum has leges, affingens fabulas, aut aliorum figmenta recipiens: sed admirandum (vt dicere coepi) est hoc principium creationem mundi complexum: vtpote cum & mundus legi & lex mundo conueniat, & homo legi obnoxius mox ciuis mundi euadat, dirigens sua facta ad arbitrium naturae gubernantis hanc rerum vniuersitatem. eam sublimitatem sensuum quibus mundi creatio traditur, nullus poeta, nullus scriptor laudare queat pro dignitate. superant enim omnem dicendi audiendive facultatem, vtpote sublimiores quam vt mortali quopiam vase possint conuenienter percipi. non tamen ideo cessandum est, sed studio pietatis vel vltra vires audendum: non vt priuatim afferamus aliquid proprium, sed e multis pauca quaedam, ad quae humana mentem penetrare fas est, deductam amore ac desiderio sapientiae. quemadmodum enim colossorum similitudines vel in exiguo exprimuntur anulo: ita fortassis etiam scripturae creationem mundi prodentis pulchritudo eximia splendore quodam percellens lectorum animos, mediocri stilo enarrabitur: si prius admoneantur, quod admoneri operae pretium fuerit. quidam enim mundum magis admirati quam eius conditorē, hunc quidem non factum aeternumque asseuerant: Deum vero in alto